

隱逸

明

王貫字守一淹通經史尤長於詩篤學力行隱居高尙撫憲高其文行以師事之奏給七品冠帶年八十七卒

易道充字希願尊賢坊人慕周茂叔之爲人自號溯濂居士超然塵壒之外年七十臨終括胎髮墮齒於囊命附棺人僉孝之以子之斗貴受封

熊楚望字維遠立已峻介不隨時俯仰與同里吳大叅漢陽蕭祭酒詩文相倡和而家徒壁立泊如也

興國州志

卷三十四 隱逸

李國經尊賢坊人試不售遂閉戶修實學崇孝友崇禮讓兼攻古文辭自號青蓮子著有居易草

馮鎮字松波力田寡營足不入城市兄弟析居田宅聽弟自取嘗摩孫之圖頂顧其父曰此子當亢吾宗先人世爲善汝其培植之之圖後成進士

盧嘉銘字公賓孝友端方抱經濟才督師左良玉聞其名促授職不就隱居以終

國朝

華國禮字賓王下雙遷里人以諸生遊燕著定膽丸教朱之弼之

佐兄弟歸後弼官兵部尙書佐亦入史館復遣使迎之將薦於朝國禮堅辭單騎南歸所著有之燕草綠遶山房詩集

梁楚書字麟吐淇深經術絕意名場授徒武黃間遊其門者多知名士子邠孟舉人

梁有孟字民譽廩生初應童試郡侯張公奇其才拔冠軍文奇古印學使歲試幕下擬後等及搜遺置第一旋招入幕中校藝所取皆知名士凡足跡所至俱有題跋

鍾三綱字幼常性穎異年十三入泮旋食餼後應秋試得而復失遂絕意仕進舌耕自給

興國州志

卷三十四

隱逸

胡謙字子益家貧力學隱居養親

雷作和字育長別號宋山樵客性洒落好吟咏得奇山水竟日忘歸興之所至操筆立就尤工書畫時稱三絕

姜于蕃性英敏工文詞數奇不偶教授生徒以終

楊文蔚字馥之陽新里諸生性瀟灑軒中植竹千竿焚香校書史嘯傲烟霞倚鳳樓一帶爲放懷遊息之地著有鐵峯集

熊謙吉字公益諸生弱冠有聲士林事親能色養兄弟析箸產取其瘠者訓子孫讀書務法聖賢子士邇髫年入泮慷慨推解修圮橋崎路乞丐雖頻至必慊其意而去鄉里稱善

盧秉政諸生貌溫而行方人仰之若泰山北斗喜誘掖後進遊其門者多登賢書而卒窮經以終

張翰搏字鵬季言笑不苟雖盛暑衣冠必肅澹然名利之場博極羣書四方問字者無虛日

盧思順廩生胸次磊落才思不羣工楷書善詩賦州主高公甚敬禮之

石敬臺字熙華隱居讀易諳星理捐貲修半壁山江隄水鄉德之官節相遣使辟不就晚年築受虛齋於陽辛石角山著有奇門化機太乙天文行世

興國州志

卷三十四

隱逸

三

費震川字禹門善福里人績學不求聞達善草書縱逸不拘復工詩得力於少陵者居多酷嗜山水歷遊題咏殆遍著有禹門詩草

隱逸 增補

俞思順字柏巖慶維姪能文工詩童試冠軍者再數奇不售雍正元年開孝友文行之試有司申送思順省試第一時年已八十矣給八品頂戴以壽終 舊志

盧以勸字掖人高子康熙六年肄業太學授縣丞不就與兄劭勛倡和怡怡著有款風閣詩集 舊志

廖廷相字容菴才敏嗜學下筆千言能詩工書弱冠餼於庠工之出其門者多掇巍科宰名城廷相竟以明經老時論惜之 舊志

阮良復字介石吉口里人明末寇亂復甫十齡擄於賊縛竿上射

輿國州志

卷三十四 隱逸

四

之矢輒辟易賊大駭詢以詩書應對清敏遂止焉旋以取 此逸追之會雷電大作得免篤志好學連不得志於有司隱居教授作佛事辨以黜邪崇正俗為之變

石中珪字公執樂歲里人性剛直面斥人非不少寬假廉正式於一鄉不逞子弟有恐聞知而改行者康熙間舉鄉飲大賓知州黃公澄贈性情高奇額

方希成字敦誦上遷里人性端慤通經敦行道光間知州陶公苑希成為大賓親詣學宮行鄉飲禮望重一時里閭矜式

阮承柄字秉鈞吉口里諸生開敏嗜學持躬耿介而待人和易家

居篤於倫誼著有齋齋文稿四卷扶教集四卷

胡純修字崇德懷仁里人隱居講學不慕榮勢博雅工詩著有周易精講樂律解仙觀集度荒草

鄧兆遴字直卿尊賢坊增貢生潛心績學童試兩冠其曹爲人持重敦樸有長者風主講富川書院人浮於舍門下多顯達卒以數竒老

陳元幹字實園仁義里諸生治策孫湄子博學多聞性端方接人煦煦嘗說史事誘掖後進口如懸河使人忘倦時比之許魯齋云著有噴飯集二卷覆瓿雜著三卷

興國州志

卷二十四

隱逸

五

曹國佐字秀巖崇仁里諸生爲人敦篤有爲提倡義舉任勞任怨期底於成里有爭相率質成年逾大耋物望咸歸子占元武舉孫惠疇諸生

阮玉衡字堅菴吉口里封職方雅高邁耽研性理以防微杜漸主敬存誠銘座右生平未嘗疾言遽色精醫抉靈樞之奧而不輕診疾晚尤好學默坐一室圖史自娛守全歸之義脫落鬚髮齒甲什襲檢存年六十四無病而卒著有管錄二卷蘧山雜著三卷子版廩貢禹門翰門俱諸生孫樹棻諸生

方技

舊志目錄附方伎於仙釋閱其傳則又不分標目今特摘出
另爲一類

國朝

程高字仰之攻舉子業初不知醫因母病篤徒步一日夜走鄂城
求醫倦倚洪山塔下夢紫衣人授以異方高驚返以方醫母果
愈由是醫臻神境求者應接不暇乃列多竈煮藥於庭病者全
集各令取飲立效藥資弗較也

馮生茂子鹿門永城里人通醫術在京師往來名公卿間咸重之

興國州志

卷二十四

方技

六

鮑侍郎桂星未遇時母病生枝助藥餌以治使二子正本正立
受業焉及桂星視學湖北絕不通一問亦不許二子赴試繪有
安分圖三韓覺羅舒崑及鮑桂星皆題其卷

張元春字旦尾一字綠溪精畫法武寧盛樂稱其圖寫古人能得
其意象不徒具衣冠而已

見三盛詩集

方技增補

蕭世魯字九成修淨里人精醫人以厚幣延輒拒窮簷告以疾卽往診視嘗曰富者醫易得貧病之人誰肯一顧乎流寓江右奉新安義等處感其德者設主而尸祝焉

周文煥字濟菴吉口里監生精岐黃不受謝直全活甚衆道光戊申修黃沙堰督匠鑿山有巨石飛下中煥踏冠服碎裂衆皆股栗趨視竟無恙共嘆善人有神佑焉

王興楊字漢春興瑞里人學邃品粹童試屢魁曹偶精靈樞素問脈訣診治全活無算子映階應試有聲克承先志醫術濟人兩

興國州志

卷二十四

方技

七

世濟云

袁宗邵字湘舫吉口里人方雅安詳工繪有逸致往來金陵姑蘇間與薦紳先生交爭接草爲平原之留名藉甚人方之沈石田仇十洲云